



# **Lidhja Demokratike e Kosovës**

**Raportet financiare të fushatës dhe Raporti i Auditorëve të pavarur**

**Zgjedhjet e jashtëzakonshme nacionale  
11 Maj 2017–11 Qershor 2017**



**Përmbajtja:**

Raport i auditorëve të Pavarur.....	3
Pasqyra e Pozitës Financiare	5
Pasqyra e te Hyrave dhe Shpenzimeve	6
Shënimet e pasqyrave financiare	7-14

# Raport i Auditorëve te pavarur

Drejtuar Kryesisë së Lidhjes Demokratike të Kosovës

## Raport mbi Pasqyrat Financiare për qëllime specifike

### Opinion i kualifikuar

Ne kemi audituar raportet financiare të fushatës për zgjedhjet e parakohshme të bashkëngjitura të Subjektit Politik Lidhja Demokratike e Kosovës (në vijim referuar si “Subjekti Politik” apo “LDK”), të përbëra nga Pasqyra e Pozitës Financiare më 11 Qershor 2017, Pasqyra e të Hyrave dhe Shpenzimeve për periudhën 11 Maj 2017 deri me 11 Qershor 2017, dhe informacionin tjetër shpjegues të përfshira në faqe 11-16.

Sipas mendimit tonë, me përjashtim të efekteve të çështjeve të përshkruara në seksionin e Bazës për Opinionin e kualifikuar të raportit tonë, pasqyrat financiare të bashkëngjitura paraqesin drejt, në të gjitha aspektet materiale, pozicionin financiar të subjektit Politik me datën 11 Qershor 2017, dhe të hyrat dhe shpenzimet për vitin që mbyllet në këtë datë, në pajtim me Ligjin Nr. 03/L-174 Për financimin e subjekteve politike dhe me Ligjin Nr. 04/L-212 Për plotësimin dhe ndryshimin e Ligjit Nr. 03/L-174 Për financimin e subjekteve politike, të ndryshuar dhe plotësuar me ligjin Nr.04/L-058

### Bazat për opinion të kualifikuar

- Ashtu siç është shpalosur në shënimin 3 në Pasqyrën e të Hyrave dhe Shpenzimeve zëri “donacionet dhe kontributet në të holla” në vlerë prej 78,947.01 Euro prej nga kontributet në të holla në vlerë 60,605.18 Euro janë pasqyruar në raportin financiar të fushatës të SP LDK por nuk janë pasqyruar dhe transferuar në llogarin rrjedhëse bankare të saj e as të llogaris rrjedhëse të koalicionit të formuar dhe certifikuar nga Këshilli Qendror I Zgjedhjeve (më tej si “KQZ”) LDK-AKR. Ne mungese të dokumentacionit mbështetës, ne nuk ishim në gjendje, duke aplikuar procedurat standard dhe alternative të auditimit, të përcaktojm saktësin e donacioneve të pranuar për periudhën raportuese. Gjithashtu, donacionet e deklaruara nuk janë pranuar në përputhje me kërkesat ligjore mbi financimin e Subjekteve Politike.
- Ashtu siç është shpalosur në shënimin 4 në Pasqyrën e të Hyrave dhe Shpenzimeve, subjekti politik ka deklaruar shpenzime në vlerë prej 899,880.74 EUR për periudhën raportuese. Duke pas parasysh natyrën e shënimeve që ka mbajtur subjekti politik dhe ne mungese të dokumentacionit mbështetës relevant, ne nuk ishim në gjendje për të aplikuar procedurat standarde dhe alternative të auditimit, që të përfitojmë një siguri të arsyeshme në lidhje me tërësinë, ekzistencën, validitetin dhe saktësinë e shpenzimeve të ndodhura në datën raportuese 11 Qershor 2017 në vlerën prej 68,729.83 Euro, që ju takojn partenreve të koalicionit.
- Ashtu siç është shpalosur në shënimin 4 të pasqyrës të hyrave dhe shpenzimeve, Subjekti politik ka deklaruar shpenzimet tek “pagat dhe kompenzimet” vlerën bruto prej 74,155.56 Euro. Subjekti Politik LDK ka angazhuar gjatë fushatës për zgjedhjet lokale vëzhgues të certifikuar dhe për shërbimet e kryera janë kalkuluar paga në vlerë neto (pas tatimit në burim) prej gjithsej 66,740 Euro por që nuk janë mbajtur në burim dhe deklaruar kontributet pensionale të parapara sipas nenit 38 pika 1 e Ligjit mbi të Ardhurat Personale Nr.05/L -028. Gjithashtu, pas parasysh natyrën e shënimeve që

mban Subjekti Politik, dhe ne mungese te dokumentacionit mbeshtetes ne nuk ishim ne gjendje, duke aplikuar procedurat standarde dhe alternative te auditimit, te marrim siguri te arsyeshme nese shpenzimet ne vlere 66,740 EUR kan ndodhur, jane pagaur dhe i perkasin periudhes raportuese.

- Ashtu si është shpalosur në Pasqyrën e të Hyrave dhe Shpenzimeve shënimi 4 tek zëri “shpenzimet e ndryshme” në vlere prej 93,600 Euro është përfshirë edhe shpenzimi për ofrimin e shërbimeve profesionale të konsulencës në vler prej gjithsej 81,000 Euro. Lidhur me shërbimin e pranuar nuk janë ofruar të dhëna mbështetëse lidhur me rregullësin saktësin dhe sasin e shërbimeve të pranuar sipas kontratës nga përgjegjësit për aprovimin e këtyre shërbimeve të kontraktuara. Pas parasysh natyren e shenimeve qe mban Subjekti Politik, dhe ne mungese te dokumentacionit mbeshtetes ne nuk ishim ne gjendje, duke aplikuar procedurat standarde dhe alternative te auditimit, te marrim siguri te arsyeshme qe shpenzimet ne vlere 81,000 EUR kan ndodhur dhe i perkasin periudhes raportuese.
- Ashtu si është shpalosur në Pasqyrën e të Hyrave dhe Shpenzimeve, Subjekti Politik ka prezantuar shpenzimet tek “Reklamat, reprezentacioni dhe konferencat” vleren prej 617,334.33 EUR. Lidhur me këto shërbime nuk na është prezentuar asnjë raport me data të ekzekutimit, sipas personelit të angazhuar për të egzekutuar shërbimet sipas kontratave, specifikat e shërbimeve të përfunduara në koh ose të dhëna tjera që do të justifikonin dhe deshmonin kryerjen e shërbimit. Pas parasysh natyren e shenimeve qe mban Subjekti Politik, dhe ne mungese te dokumentacionit mbeshtetes ne nuk ishim ne gjendje, duke aplikuar procedurat standarde dhe alternative te auditimit, te marrim siguri te arsyeshme qe shpenzimet ne vlere 100,000 EUR kan ndodhur dhe i perkasin periudhes raportuese.

Ne kemi kryer auditimin tonë në përputhje me Standardet Ndërkombëtare të Auditimit (SNA). Përgjegjësitë tona sipas këtyre standardeve janë përshkruar më tej në Përgjegjësitë e Auditorit ne paragrafin për Auditimin e Pasqyrave Financiare të raportit tonë. Ne jemi të pavarur nga Shoqëria në përputhje me Kodin e Etikës për Profesionistet Kontabël të Bordit të Standardeve Ndërkombëtare të Etikës për Profesionistet Kontabël (Kodi i BSNEPK) së bashku me kërkesat etike që janë të zbatueshme për auditimin e pasqyrave financiare në Kosovë, dhe ne kemi përmbushur përgjegjësitë tona të tjera etike në përputhje me këto kërkesa dhe Kodit IESBA. Ne besojmë se evidenca e auditimit që ne kemi marrë është e mjaftueshme dhe e përshtatshme për të dhënë bazat për opinionin tonë.

### **Theksim i çështjes**

Ne tërheqim vëmendjen në lidhje me gjetjet e mëposhtme:

- Subjekti Politik as në vitin 2017 nuk ka arritur të mirëmbaj evidencë dhe kontabilitet të mirëfilltë për ti mundësuar regjistrimin e transaksioneve financiare dhe përgatitjen e pasqyrave financiare sipas Standardeve të Kontabilitetit të aplikueshme në Kosovë të kërkuar edhe me Ligjin mbi Financimin e Subjekteve Politike.
- SP nuk ka zhvilluar procedura për mbajtje të evidencave për transaksionet e ndodhura me para të gatshme si udhëheqja e arkave në degë për pranime ose pagesa të cilat jan kryer me të gatshme.
- Subjekti Politik në blerjet e kryera nuk ka aplikuar ndonjë procedurë të tenderimit e cila do të mundësonte një shfrytëzim sa më efikas, me kosto ekonomike, transparente dhe të drejtë të fondeve të subjektit politik e i kërkuar me parimet e duhura të menagjimit të

- mirë dhe praktikat e mira dhe eficiente të shfrytëzimit të fondeve që secila blerje do të jet ekonomikisht e favorshme dhe blerja do të bëhet me çmim kurent të tregut.
- Subjekti Politik nuk e ka të definuar me Statut, mundësinë e ushtrimit të kontrollit të brendshëm financiar të saj dhe të drejtën e anëtarëve për t'u informuar për të gjitha të hyrat dhe shpenzimet e subjekteve politike si dhe për përgjegjësinë e organit gjegjës për transaksione financiare, ashtu siç parashihet në ligjin Nr. 04/L-212 Për plotësimin dhe ndryshimin e Ligjit Nr. 03/L-174 Për financimin e subjekteve politike, të ndryshuar dhe plotësuar me ligjin Nr.04/L-058, neni 17 Kontrolli i Brendshëm.
  - Subjekti Politik nuk ka respektuar kërkesat ligjore në lidhje me publikimin e raporteve financiare vjetore dhe të fushatës sipas ligjit Nr. 04/L-212 Për plotësimin dhe ndryshimin e Ligjit Nr. 03/L-174 Për financimin e subjekteve politike, të ndryshuar dhe plotësuar me ligjin Nr.04/L-058, neni 15 Raportimi Financiar, paragrafi 5.1 dhe 5.2
  - Gjatë auditimit tonë ne kemi vërejtur që të shpenzimet e reklamave reprezentacionit dhe konferencave por edhe tek shpenzimet e karburanteve , në disa raste SP nuk ka dokumentacion relevant dhe mbështetës, përveç faturave, që do të mund të arsyetonin dhe mbështetnin shpenzimin e ndodhura.
  - Degët e Subjektit Politik LDK nuk kanë dorëzuar zyrës raportin financiar Informues bazuar në kërkesat ligjore të parapara me nenin 4 pika 4.3 nën pika d e Rregullores Nr. 12/13 për kufizimin e shpenzimeve të fushatës dhe deklarimit financiar. Shpenzimet e degëve dhe faturat sipas datave të dokumentit nuk janë rexhistruar por është mbajtur në një list exceli dhe janë rexhistruar transaksionet sipas datave të pagesave por jo edhe sipas datave të dokumentit të transaksionit.

#### **Përgjegjësia e menaxhmentit dhe e atyre të ngarkuar me qeverisje për Pasqyrat Financiare**

Menaxhmenti është përgjegjës për përgatitjen dhe paraqitjen e drejtë të këtyre pasqyrave financiare në përputhje me Ligjin Nr. 04/L-212 Për plotësimin dhe ndryshimin e Ligjit Nr. 03/L-174 Për financimin e subjekteve politike, të ndryshuar dhe plotësuar me ligjin Nr.04/L-058 dhe për ato kontrole të brendshme që menaxhmenti i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, menaxhmenti është përgjegjës për vlerësimin e aftësisë së subjektit politik për të vazhduar aktivitetin e saj (parimi i vijimësisë), shpalosjen, sipas rastit, të çështjeve që lidhen me parimin e vijimësisë dhe përdorimin bazës së kontabilitet sipas parimit të vijimësisë përveç nëse menaxhmenti synon të likuidojë Subjektin Politik ose të ndërpresë operacionet, ose nuk ka asnjë alternativë realiste përveç për ta bërë këtë. Ata që janë të ngarkuar me qeverisje janë përgjegjës për mbikëqyrjen e procesit të raportimit financiar të kompanisë.

#### **Përgjegjësitë e auditorit për auditimin e Pasqyrave Financiare**

Objektivat tona janë për të marrë siguri të arsyeshme nëse pasqyrat financiare si tërësi janë pa anomali materiale të shkaktuara nga mashtrimi apo gabimi, dhe për të nxjerrë raportin e një auditorit që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston.

Anomalitë mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme, të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e auditimit në përputhje me SNA-të, ne ushtrojmë gjykimin profesional dhe ruajmë skepticizmin profesional gjatë gjithë auditimit. Ne gjithashtu:

- Identifikojmë dhe vlerësojmë rreziqet e anomalisë materiale, qoftë për shkak të mashtrimit ose gabimit, hartojmë dhe kryejmë procedurat e auditimit në përgjigje të këtyre rreziqeve, dhe marrim evidencë auditimi që është e mjaftueshme dhe e përshtatshme për të siguruar një bazë për opinionin tonë. Rreziku i moszbulimit të një anomalie materiale si rezultat i mashtrimit është më i lartë se rreziku si rezultat i gabimit, sepse mashtrimi mund të përfshijë marrëveshje të fshehta, falsifikime, përjashtime të qëllimshme, informacione të deformuara, anashkalime të kontroleve të brendshme.

- Sigurojmë një njohje të kontrollit të brendshëm që ka të bëjë me auditimin, me qëllim që të përcaktojmë procedurat e auditimit që janë të përshtatshme sipas rrethanave, por jo për qëllime të shprehjes së një opinioni mbi efikasitetin e kontrollit të brendshëm të Shoqërisë.

- Vlerësojmë përshtatshmërinë e politikave kontabël të përdorura dhe arsyeshmërinë e çmuarjeve kontabël dhe të shpjegimeve përkatëse të bëra nga drejtimi.

- Nxjerrim një konkluzion në lidhje me përshtatshmërinë e përdorimit të bazës kontabël të vijmësisë, dhe bazuar në evidencën e auditimit të marrë, nëse ka një pasiguri materiale në lidhje me ngjarjet ose kushtet, e cila mund të hedhë dyshime të mëdha për aftësinë e Shoqërisë për të vijuar veprimtarinë. Nëse ne arrijmë në përfundimin që ka një pasiguri ne duhet të tërheqim vëmendjen në raportin e audituesit në lidhje me shpjegimet e dhëna në pasqyrat financiare, ose nëse këto shpjegime janë të papërshtatshme, duhet të modifikojmë opinionin tonë. Konkluzionet tona bazohen në evidencën e auditimit të marrë deri në datën e raportit tonë. Megjithatë, ngjarje ose kushte të ardhshme mund të bëjnë që SP të ndërpresë veprimtarinë.

-Ne komunikojmë me personat e ngarkuar me qeverisjen, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.

Audit&Contosh.p.k

  
Muhamet Feka  
Auditor Ligjor  
12 Prill 2019



**Pasqyra e Pozitës Financiare**

Pasuritë		Bilanci në funde të periudhës	Bilanci në fillim të periudhës
Pasuritë afatgjata	Shënimi	Shuma në Euro	Shuma në Euro
Toka, objektet dhe pajisjet			
Pasuritë e paprekshme			
Pasuritë tjera afatgjata			
<b>Total pasuritë afatgjata</b>		<b>0.00</b>	<b>0.00</b>
<b>Pasuritë afatshkurtra</b>		<b>0.00</b>	<b>0.00</b>
Llogaritë e arkëtueshme			
Parapagimet			
Paraja dhe ekuivalentët e parasë			
Pasuritë tjera afatshkurtra			
<b>Total pasuritë afatshkurtra</b>		<b>0.00</b>	<b>0.00</b>
<b>Total pasuritë</b>		<b>0.00</b>	<b>0.00</b>
<b>Ekuiteti</b>			
Fondet e akumuluar			
Suficiti / (deficiti) i vitit		(149,661.88)	
<b>Total Ekuiteti</b>		<b>(149,661.88)</b>	<b>0.00</b>
<b>Detyrimet</b>			
<b>Detyrimet afatgjata</b>			
Huatë e pagueshme			
Të hyrat e shtyra			
<b>Gjithsej detyrimet afatgjata</b>			
<b>Detyrimet afatshkurtra</b>			
Llogaritë e pagueshme dhe të tjera	2	149,661.88	0.00
Detyrimet tjera afatshkurtra			
<b>Gjithsej detyrimet afatshkurtra</b>		<b>149,661.88</b>	<b>0.00</b>
<b>Gjithsej detyrimet</b>		<b>149,661.88</b>	<b>0.00</b>
<b>Gjithsej ekuiteti dhe detyrimet</b>		<b>0.00</b>	<b>0.00</b>

**Pasqyra e të hyrave dhe shpenzimeve**

	Shënimi	11 Maj 2017 – 11 Qershor 2017
<b>Të hyrat</b>		
Të hyrat nga buxheti		671,271.85
Të hyrat nga anëtarësia		
Donacionet dhe kontributet në të holla	3	78,947.01
Kontributet në natyrë në mall dhe shërbime		0.00
Të hyrat tjera		
<b>Gjithsej të hyrat për vitin</b>		<b>750,218.86</b>
<b>Shpenzimet</b>		
Pagat dhe kompensimet	4	74,155.56
Shpenzimet e transportit	4	35,162.48
Reklamat, reprezentacioni dhe konferencat	4	617,334.33
Blerja e mallrave	4	5,611.08
Shpenzimet e përgjithshme	4	74,017.29
Shpenzimet e ndryshme	4	93,600.00
<b>Gjithsej shpenzimet për vitin</b>		<b>899,880.74</b>
<b>Suficiti (deficiti) për vitin</b>		<b>(149,661.88)</b>

## Lidhja Demokratike e Kosovës

Shënime për Pasqyrat Financiare të Fushatës

Zgjedhjet e jashtëzakonshme nacionale 11 Maj 2017 deri më 11 Qershor, 2017

---

### 1. Informata të përgjithshme

Lidhja Demokratike e Kosovës është parti e tretë më e madhe në Kosovë. Është një parti konservatore dhe liberale konservatore

Udhëheqja: Isa Mustafa (Kryetar i partisë)

Themelues: Ibrahim Rugova

Themeluar: 23 dhjetor 1989

Ideologjia: konservatizmi, neoliberalizmi, liberalizmi i tregut.

Pozita politike: Politika e qendrës së djathtë.

Aktualisht LDK për lider të saj ka Akademik Isa Mustafën, i zgjedhur në mandat të dytë.

Struktura e Organeve qeverisëse të Lidhjes Demokratike të Kosovës janë :

Kuvendi

Kryesia

Këshilli i Përgjithshëm dhe

Forumet

Pasqyrat financiare të Lidhjes Demokratike të Kosovës janë përgatitur sipas kërkesave të Ligjit Nr. 04/L-212 Për plotësimin dhe ndryshimin e Ligjit Nr. 03/L-174 Për financimin e subjekteve politike, të ndryshuar dhe plotësuar me ligjin Nr.04/L-058, neni 15 Raportimi Financiar.

Bazuar në nenin 19 paragrafi 2 pika 7 e Ligjit Nr. 04/L-212 Për plotësimin dhe ndryshimin e Ligjit Nr. 03/L-174 Për financimin e subjekteve politike, të ndryshuar dhe plotësuar me ligjin Nr.04/L-058, Subjekti i regjistruar politik brenda pesë (5) ditëve të punës nga marrja e draft raporteve të audituara ka dorëzuar raportin e rishikuar financiar dhe shpjegimet lidhur me gabimet ose lëshimet të identifikuara nga auditorët.

Bazuar edhe në nenin 2 i ligjit bazik, paragrafi 1.10. riformulohet me tekstin si në vijim:

1.10. Subjekti politik – parti politike, koalicion, nismë qytetare ose kandidat i pavarur. Për qëllime të këtij ligji, për subjektet si Organizatat e të Rinjve, Fondacionet, Institutet apo trupa të ngjashme që janë të krijuara nga subjektet politike apo që kanë lidhje me subjektet politike ose që kryejnë aktivitete funksionale për subjektet politike do të vlejnjë të njëjtat dispozita të këtij ligji sa i përket raportimit financiar tyre.

Subjekti Politik mirëmban vetëmnjë llogari të vetme bankare në bankën NLB.

Pasqyrat Financiare të Fushatës janë përgatitur për periudhën 11 Maj 2017 deri me 11 Qershor 2017.

Lidhja Demokratike e Kosovës

Shënime për Pasqyrat Financiare të Fushatës

Zgjedhjet e jashtëzakonshme nacionale 11 Maj 2017 deri më 11 Qershor, 2017

**Shënimi 2. Llogaritë e pagueshme dhe të tjera**

	Bilanci me 11 Qershor 2017 Shuma në Euro	Bilanci me 11 Maj 2017 Shuma në Euro
Furnitor vendor	149,661.88	0.00
<b>Gjithsej llogaritë e pagueshme dhe të tjera</b>	<b>149,661.88</b>	<b>0.00</b>

**Shënimi 3: Kontributet në të holla**

Përshkrimi i mallit / shërbimit	Pranuar nga			Data kur është dhënë kontributi	Vlera në euro
	Kontribuuesi	Adresa	Numri personal		
Donacion ne te holla	Alternativa	Prishtinë		Sipas specifikimit	5,193.00
Donacion ne te holla	LDK	Prishtinë		Sipas specifikimit	7,608.50
Donacion ne te holla	AKR	Prishtinë		Sipas specifikimit	60,605.18
Donacion ne te holla	Elkos	Pejë		Sipas specifikimit	5,540.33
<b>Gjithsej kontributet në natyrë në mall dhe shërbime</b>					<b>78,947.01</b>